

愚山詩集

施愚山先生學餘詩集卷之二十六

五言律

報國寺送客因登毘盧閣

別筵人已散，乘興閣重遊。
風日開亭午，園林報早秋。
層軒棲鴿遍，危檻斷雲留。
誰送塵中眼，憑虛到十洲。

吳聖飛攜酒見過京邸不值

君來自可坐，何必主人還。
良會十年少，舊游雙鬢斑。
況當攜斗酒，正好話家山。
笑我緣何出，官貧亦未閒。

題汪文岫饒景玉聯舟對月圖

飄泊是何夕，蒼蒼蘆荻洲。
雙帆爭挂月，孤影對臨流。
衣薄沾宵露，沙喧起宿鷗。
江天今在目，吾夢亦同遊。

送景玉入剡

此去山川好春光換柳條衣沾天目雨席挂海門潮問
訊多詞客登臨逐野樵若教遊興劇莫憚赤城遙

送張旭源刺邠州

江南倦遊子五馬去西秦霜雪驅馳路關山離別人地
偏稀過客祿薄逮雙親捧檄知君喜晨昏愛此身

二

聞說公劉地相沿舊俗同人家高堡上雉堞半山中衣
食從民樸征徭倚歲豐心閒能臥治詩好繼豳風

雪後大名旅懷

乍霽川原凍朔風寒倍增暮禽飢啄水疲馬渴銜冰大

陸雲千疊恒山雪萬層翻思巖谷裏曝背有閒僧

舟泊滄洲登毘盧菴

唐高僧滄洲人

僧廬依斷岸物色占滄洲平野蒹葭暮虛堂松菊秋天
風催解纜客眼倦登樓借問高常侍何人識故丘

署中雙鶴

風塵非爾地住久暫忘機啄案翻書帙窺軒衙客衣長
鳴寒月下共望白雲飛會有凌霄翮滄江他日歸

東郡道中

馬蹴黃塵起人行積霧中寒天無過雁近海動悲風戰
地千年苦平原四面同客心當落日極目見飛蓬

雪夜懷家叔南歸

獨歸人自老歲晚雪中行山繞蒙陰麓江寒楚客程野
狐蹲斷岸沙雁宿空城不寐知今夕惟應詩思清

過昌邑

觸熱復停驂寒帷對夕嵐林中間布穀樹杪見眠蠶衣
染海雲潤泉思山井甘故鄉茶笋熟昨夜夢江南

青州與伯調坐月下

過雨晚風生當頭月復明酒尊呼北海書帶憶康成傍
檻疎柯影空庭落果聲論心拚永夕他日別離情

雨發青州

古驛羣山畔長天滄海西山城雲送客官路雨成谿行
色沾蓬鬢秋聲逐馬蹄荷花開太好披折向人低

次長清

虛白生官舍，蕭疎一草亭。
尊前孤壘迥，郭外遠峰青。
微月度雲漢，長松立杳冥。
有懷中夜坐，羅袂見流螢。

家書至時將近叔父生日

世路驚心日，家書寄語頻。
自憐青鬢改，難見白頭人。
拙宦牽愁思，傳經憶苦辛。
榴花空照眼，不覺暗傷神。

肥城

欹路人烟斷，崩巖礪道低。
黍苗深雉雥，山樹散鴉啼。
小邑誰絃誦，遺黎賸鼓鼙。
褰裳獨憑弔，日下萬峰西。

舍弟嚴歸里

爾來逾一歲，歸去數封書。
霜雁行相伴，原鵠義恐疎。
坐

應穿木榻貧莫厭柴車遙計中秋月還家慰倚閭

五大夫松下看流泉

我尋古松樹愛此巖下泉橫瀉珠簾靜斜飛瀑布懸積
寒生石髮落日動山烟輦道餘荒草長悲封禪年

岱嶺夜雨

寒星看掌上暮雨忽樽前積氣無巖壑秋聲劃海天萬
松飛濤裏三觀亂雲邊恍惚身何在真從象緯眠

坐獨樹軒

在學使官舍

客散酣歌後秋清搖落時五湖情汗漫獨樹影支離剪
伐人難到風霜老不辭鵲巢須着穩莫占最高枝

歷下集嚴顥亭馬宛斯陳亂倩

小飲論文細開軒見月明荒臺延夜色古木動秋聲涼
倒人間事虛無身後名莫將白雪調苦問濟南生

雪

海國晴猶雪山雲寒更垂霰初鳴檻竹花已着林枝巖
穴熊羆臥堦除鳥雀悲鄉書斷消息江路滿旌旗

送沈治先歸里

老友如君少君歸奈若何長貧才不盡臨別恨偏多世
事輸農圃鄉心繫薜蘿姑山存舊業作計莫蹉跎

寒亭驛

古寒
泥地

驛亭暑色薄滿壁翠琅玕細石流泉冽青天古木寒窗
陰雙語燕亭午一凭欄惆悵千秋事淒淒芳草殘

灰阜驛

老樹如車蓋蒼蒼覆驛亭
風霜枝盡折苔蘚幹偏青
落日下歸鳥寒雲伴使星
夜涼生海氣東望是滄溟

水面亭與陳公朗方伯對雪

時陳遷陝西左藩

選勝遲佳客湖亭倒酒卮
可堪風雪路正是別離時
冰合魚龍蟄天高鸛鶴飢
岱雲連華嶽千里一相思

濟南立春日作

今日晨光好荒城適報春
湖雲輕繞樹山鳥早呼人
身世鶻冠穩艱難龍性馴
誰家梅爛熳宜稱此芳辰

送曾庭聞

百斗何辭醉良朋萬里來
家聲重廬嶽客路過輪臺
淚

積邊城苦詩兼鼓角哀卽今猶戰鬪分手一徘徊

盆梅

明日主人出一花今夜開好誰看爛熳爲爾立徘徊驛
使隴頭絕歌聲笛裏哀客愁君不見春色海東來

哭邢奕遠

樂極愛難割傷心死若何酒尊虛夜少樓榭得春多地
下寧歌管人間怨綺羅相思半詞客淚灑舊山河

哀張水弟

水弟憂余病嘗
臨書戒勿作詩

名藉詩篇著家餘屋壁存百年猶恨短萬事早聲吞總
帳天風急山樓海氣昏養病余未暇腸斷故人言

小呂次東阿晚值王子野同年

小邑春光薄荒途倦客過郵亭橫老樹城堞貫長河臺
近三歸古愁連上巳多開樽值朋好逸興未蹉跎

汶上

半霽春陰好平沙趁馬蹄桃花村逕裏楊柳板橋西薄
霧橫高隴清流到舊隄如何寒食過不見燕銜泥

歷下奉送劉相國還朝

夢想東山臥驅車北闕行歲寒縈主眷頭白嬾王程秉
軸存遺老論詩薄近名彤庭方側席莫繫故園情

二

岱嶽家園外西山館閣邊衣冠自黃綺杖屨儼神仙坐
論敷陳密廷爭惴惴偏月明方退食散帙手還編

帝里過從舊花前鸚鵡杯家惟富圖籍
水寒流急雲門暮雨來誰知分手處有客獨遲回

四

憂時潛墮淚惜別黯沾襟
壞賊徵求急王師轉戰深
安危今日事調燮老臣心
魚水恩方洽毋愁年髩侵

時方命經

畧洪公拓定西南

有歎

文字終何益馳驅復此官
從人誇絳帳吾自夢漁竿
風榭飛花急山城宿霧寒
窓前有叢竹時把酒杯看

春暮還署齋

官舍碧桃樹虛開兩度花春光驅道路海驛飽風沙檻
曲含苔綠庭閒受竹斜駐顏須料理百斗醉流霞

又字四月八日

舊傳浴佛日數過憇招提風俗青精飯行吟白接籬野
花隨徑滿溪樹與雲齊何事違初服家山廢杖藜

李都使池亭

幕府流泉入茅亭曲檻通新荷衣袂側啼鳥藥欄中舞
榭邀明月花時受好風將軍能愛客日日醉山公

登州

郡僻滄洲外城孤絕島邊亂雲時結蜃六月未聞蟬水
氣垂天濶濤聲裂地穿乘槎問牛女消息轉茫然

重至海鏡寺

海潮菴左舊有小亭面海澄碧萬頃余名曰海鏡

借問蓬萊閣何如此地看三山
平岡酒萬里入憑欄日
落回潮碧風疎清磬寒舊曾觀海
平從倚思漫漫

送尹嘉聞歸吳門

故平樂太守莫階子

兩世情難述千行淚迸流
父書應盡讀家計莫深憂
薄宦真萍梗窮交媿蒯緱
要離塚畔月雙照寸心愁

杓司至歷下

十年貧賤淚到此更銷
菟麋鹿慚纓冕風騷廢
討論長途國士老多難
布衣尊君問平生興山園
松菊存

夫子手植檜

靈檜無枝葉蚪龍百尺長
何人見榮落終古一青蒼
元

氣收東嶽孤根接大荒
遲回思手澤俯仰媿登堂

子貢植楷

手植憑誰記殘碑畱至今
共看獨樹影猶見古人心
閱歷風霜盡支離天地陰
經過築室處千載一沾襟

送張將軍之粵西

驅馬雪中去天南萬里行
還吳春色好過楚瘴雲生
鏡吹喧江閣烽烟靜塞城
伏波祠廟在千古說南征

歷下送梅子翔歸里

朔風一夜至庭樹葉皆飛
孤宦百憂集故人千里歸
岱雲寒不散江雁去還稀
遲暮兼離別愁君雪滿衣

鍾文子少叅書至自龍安兼贈藥物

聞道龍安戍城居四五家殘黎猶帶中枯樹少棲鴉書
信兵荒絕風烟棧閣斜殷勤感持贈飛夢遶天涯

冬夜陸石齋黃心甫過集

雪月皎如此同人今夜看但畱詩卷在不覺酒杯乾漏
永啼烏斷庭空獨樹寒所嗟耽薄祿瀟灑媿漁竿

李康侯工部梭山園亭

時康侯在淮

倦眼惜年華招尋石逕斜穿池飛礪瀑遶檻疊峰霞地
冷偏多竹春殘未落花李膺吾好友何日共仙槎

明湖書院

高樓連極浦水氣入疎櫺檻外巢鷗鷺沙邊叫鶴鷄地
幽從草綠頭白恨山青駘蕩春風暮何人識歲星

濟南東朱山暉副使

君能百斗飲何惜一宵畱海氣懸征旆泉聲浣客愁馳
驅將歲晚浩蕩此生浮安得行藏共論詩到白頭

獨坐

獨坐午陰長羣峰向草堂種蔬侵小徑移石補頽牆雲
氣隨城白槐花覆地黃買山何日就高枕是羲皇

送王季鴻孝廉歸吳下

誰言君失意歸路入江烟舉網供鱸膾牽舟刈渚田門
臨虎阜月家就惠山泉賸有詩篇在狂歌不用傳

早春懷劉遠公

劉有扁舟圖詠

無恙扁舟客倦游何處畱梅花開海畔杜若滿江洲避